

Resun a las persunas d'instrucziun davart l'instrucziun

Il plan d'instrucziun vegl inditgava, tge cuntegns che stuevan vegnir tractads en l'instrucziun. Il Plan d'instrucziun 21 Grischun descriuva principalmain, tge che las scolaras ed ils

diever che cuntegna sper il giudicament da l'instrucziun da l'inspecturat da scola era in'autovalitaziun da las scolaras e dals scolars davart lur diever.



scolars ston savair far a la fin d'in ciclus. Il plan d'instrucziun è damai pir adempì, cura che las scolaras ed ils scolars pon applitgar lur cumpetenza en lur far e demanar. VPS giuditgescha l'instrucziun professionalmain e dat in resun davart l'orientaziun a las cumpetenzas. Questa vista d'ordaifer gida a reflectar l'instrucziun. VPS sa basa sin resultats da la perscrutaziun actuala da l'instrucziun. En in discurs spezialisà vegn l'instrucziun visitada approfondada tenor ils pli impurtants criteris da bun'instrucziun. Las persunas d'instrucziun visitadas retschaivan in profil personal da purschida e

Il pachet cumplessiv da quests resuns furma ina basa segira per garantir e sviluppar ina pratica d'instrucziun individuala.

«Jau vi savair, con bain che jau realisesch l'orientaziun a las cumpetenzas en mia instrucziun.»



Analisa dal stan actual per il cussegl da scola

L'introducziun dal Plan d'instrucziun 21 Grischun furma in term impurtant en il svilup da la scola grischuna. Il cussegl da scola ha l'incumbensa da diriger e survegliar la scola en quest process impurtant.

«Sco cusseglier da scola vi jau savair, cun tge success nosa scola realisescha il nov plan d'instrucziun.»

VPS dat in giudicament professional, cun tge success il Plan d'instrucziun 21 Grischun vegn realisà en il lieu. La scola retschaiva ina vista d'ordaifer ch'è credibla e sa basa sin datas. Questa vista externa serva a controllar sche bain las finamiras èn cuntanschidas, sco er per dar pled e fatg a la publicità. VPS porscha ina vista detagliada ord pliras perspectives sin la scola locala. En cumbinaziun cun l'atgna vista dat quai ina buna basa per tematisar ensemen cun la direcziun da scola il profil da l'atgna scola e d'elavurar strategias da svilup.



Integrasiun da las scolaras e dals scolars

Emprender po e duai far plaschair. Perquai dovan ils giuvenils experientschas da success. E perquai dovan els ina buna cultura d'instruir e d'emprender sco era in clima da scola che promova las mirveglias e la voluntad d'emprender a moda evidenta e natirala.

Giuvenils pon giuditgar bain co els sa sentan en scola e quant bain els emperdan. La pussaivladad latiers porscha VPS: Segund lur vegliadetgna ed en furma anonima pon las scolaras ed ils scolars s'exprimer davart il bainesser en scola e davart l'instrucziun. L'inspecturat da scola fa las enquistas en in context protegi e gist. Per la singula persuna d'instrucziun è quai in impurtant resun. La scola sco tala obtegna uschia infurmaziuns davart l'instrucziun ed il clima da scola che sa basan sin datas. Per cas che deficits gravants vegnan visibels èsi il pensum da l'inspecturat da scola da sclerir la situaziun cun tut ils pertutgads.

«Jau hai plaschair che mia opiniun è dumandada.»

Sustegn practic per la direcziun da scola

Guardar sin l'essenzial senza perder or da vista ils detagls: La direcziun da scola cun ses champ da lavur operativ ha d'ademplir numerusas pretensiuns ed incumbensas. La direcziun da scola survegn entras VPS in sustegn practic per la planisaziun a lunga vista e per las incumbensas directives. **Evaluaziun:** Grazia ad in profil detaglià davart l'instrucziun e la cultura/il clima da scola po la direcziun da scola integrar la savida che sa basa sin datas directamain en il svilup

cuntinuà da l'instrucziun e da la scola. Ils cuntengns dal sector instruir/emprender che vegnan focussads da l'inspecturat pussibilteschjan ina clera orientaziun per il svilup da l'instrucziun. Supplementarmain sustegna la Scola auta da pedagogia dal Grischun en il rom da sias furmaziuns supplementaras e da ses accompagnaments da projects tematics las scolas da realisar il project da svilup tscherni.



La scola – partenaria fidada per ils geniturs

Megra ch'ina scola è – e meglier che las scolaras ed ils scolars vegnan preparads per la vita. Co pon ils responsabels per l'educaziun dentant esser segirs che lur uffants dastgan

giudair ina buna furmaziun che tegna quint dals basegns d'ozendi en in ambient da scola positiv? Cun enquistas integrescha VPS directamain ils responsabels per l'educaziun



«Igl è impurtant che mes uffant è en buns mauns en scola – la fin finala passenta el là il pli bler temp.»

en l'evaluaziun dal clima da scola. Sin fundament dals resultats pon ils geniturs far in maletg, co il clima da scola e da l'instrucziun è vegni giuditgà e tge mesiras che la direcziun da scola implementescha per sviluppar la qualitat. Areguard las structuradas dal di examinescha l'inspecturat da scola, sch'il basegn è vegni scleri gistamain e sche las purschidas èn bain organisadas. La scola sco partenaria dals geniturs creescha confidenza cun communitgar avertamain.

Valitaziun & promoziun da scola 2021–2026



www.avs.gr.ch



Furmaziun per la societad ed il mund da lavur da damaun

Nossa societad sa mida permanentamain ed ils svilups actuals en blers secturs da la vita accelereschan quai. En in mund che sa mida cuntinuadamain èsi anc pli impurtant che la furmaziun en scola focussescha las finamiras centralas per preparar las scolaras ed ils scolars uschè bain sco pussaivel sin lur futur en la societad ed en il mund da lavur. Tras VPS survegnan las scolas popularas grischunas sustegn en lur incumbensa centrala da furmaziun. VPS è **simples** e **professionala**, **effectiva** e **distgargianta**. Uschia nizzegia

il proceder a tuttas persunas involvidas en il sistem da scola ad ademplir l'incumbensa da furmaziun per il bainesser da las scolaras e dals scolars. Quest fegl d'infurmaziun dat ina survista davart ils cuntengns da VPS. Infurmaziuns detagliadas stattan a disposiziun sut www.avs.gr.ch

Amt für Volksschule und Sport
Ufficio per la scola populara ed il sport
Ufficio per la scola popolare e lo sport



Examinaziun: La scola dat pled e fatg davart la realisaziun da las structuradas dal di sco era davart las incumbensas da la direcziun da scola. Sche l'examinaziun conferma che las prescripziuns èn vegnidas resguardadas, vegnan las permissiuns da manaschi prolungadas e las purschidas subvenziunadas vinavant dal chantun. Qua tras segirescha la scola la planisaziun.

Cussegliazioni: Las purschidas da cussegliaziun davart dumondas actualas da la scola ed il barat professional sustegnan la direcziun da scola cuntinuadamain en sia incumbensa directiva ed han in effect distgargiant. Las inspecturas ed ils inspecturs èn

francads en la regiun. Qua tras vegn la direcziun sustegnida a moda pragmatica e pratica. Tut ils documents spezialisads stattan a disposiziun en tut las ovg linguas da scola. La direcziun da scola vegn uschia rinforzada concretamain en sia professionalitad ed en il svilup da scola orientà a l'instrucziun.

«L'inspectura discurra mia lingua ed enconuscha la situaziun al lieu.»



Valitaziun e promoziun da scola

Il Plan d'instrucziun 21 Grischun reflectescha la moda e maniera actuala d'instruir e d'em-prender. El è in compass che gida a preparar ils uffants e giuvenils sin lur vita en la societad ed en il mund professiunal. Tras VPS giuditgescha l'inspecturat da scola la realisaziun dal Plan d'instrucziun 21 Grischun e contribuescha a garantir e svilupper la qualitat da scola sco er la gistadad da las schanzas en tut las scolas popularas dal Grischun. VPS gida a promover e garantir la qualitat da scola tras evaluar, cussegljar ed examinar.

L'evaluaziun mussa a las personas d'instrucziun tras ina vista professiunala externa fermezzas existentas e pussaivladads da svilupper l'instrucziun. Entras **cussegliaziun** survegnan il cussegl da scola e la direcziun da scola in sustegn professiunal fundà ed orientà a la pratica per lur incumbensa directiva. Tras **l'examinaziun** da las premissas per conceder contribuziuns per las structures dal di e per las direcziuns da scola vegn procurà che las contribuziuns finanzialas dal chantun vegnan impundidas correctamain.



Sustegn e distgargia per la direcziun da scola

Purtar responsabladad po esser tant in plaschiar sco era in burdi. Cun sia incumbensa pedagogica, persunala, finanziaria ed administrativa ha la direcziun da scola ina gronda responsabladad per il bainesser da tut las personas involvidas en ils fatgs da scola. VPS offra a las direcziuns da scola a moda effizienta ed orientada a la pratica in sustegn ed ina distgargia per l'activitad operativa. Temas actuals concernent dumondas da l'instrucziun, da la planisaziun da scola, da la furmaziun supplementara e dal manaschament da conflicts vegnan approfondads a chaschun

da cussegliaziuns professiunalas periodicas (sesidas da quartal). L'inspecturat da scola offrescha ulteriurs instruments per sustegnair il cussegl da scola resp. la direcziun da scola. Quels pon vegnir nizzegiaj tenor basegn: **L'analisa da l'organisaziun** serva a reflectar l'atgna incumbensa directiva cun agid d'ina metoda da dialog. **La carta strategica** è in instrument effectiv en il sector dal patratgar ed operar strategic per implementar finamiras en la cultura da la scola ed en l'instrucziun.



Impressum/indicaziun da las funtaunas
 Editur: Uffizi per la scola populara ed il sport Grischun
 Concept e creaziun: Ramun Spescha
 Fotografia: Ralph Feiner
 © Uffizi per la scola populara ed il sport Grischun
 Funtaunas: La valitaziun e promoziun da scola sa basa

sin il model Q2E (Qualität durch Evaluation und Entwicklung); prof. dr. Norbert Landwehr; cumission da la CEDP «Cuminanza da lavur areguard l'evaluaziun externa»; prof. dr. Anna-Katharina Praetorius, Universitad da Turitg; prof. dr. Andreas Helmeke, (cooperaziun dapi 2006).

VPS Survista 2021–2026

VPS Valitaziun e promoziun da scola
 EVA Evaluaziun
 IND Individualisaziun
 OP Orientaziun professiunala
 ELT Economia, lavur e tegnaichasa
 ERC Etica, religiuns, cuminanza
 BP Bara professiunal
 ScoSpe ScoSpe Instituziuns da la scola speziala

2021/2022				2022/2023				2023/2024				2024/2025				2025/2026				2026/2027	
Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2
Evaluaziuns cun accent medias ed informatica																					
EVA ELT cun BP				EVA ERC cun BP				EVA IND+OP cun BP												Rapport final chantunala VPS 2021–2026	
EVA ScoSpe				EVA ScoSpe				EVA ScoSpe				EVA ScoSpe				EVA ScoSpe					
Examinaziun da las premissas per conceder contribuziuns per direcziuns da scola																					
Examinaziun da las premissas per conceder contribuziuns per structures dal di																					

Buna scola cun instrucziun orientada a cumpetenzas

INCARICA DA FURMAZIUN ED EDUCAZIUN (PLAN D'INSTRUCZIUN, BASAS LEGALAS)				
CUNDIZIUNS DA BASA	CULTURA/CLIMA DA SCOLA	INSTRUIR/EMPENDER	DIRECZIUN DA SCOLA	MANAGEMENT DA QUALITAD DA SCOLA INTERN
Organisaziun da la scola	Bainesser	Direcziun da la classa	Orientaziun a finamiras	Maletg directiv da la qualitat
Basas concepziunalas	Cuminanza da la scola	Sustegn motivaziunal-emoziunal	Incarica/Responsabladad/Cumpetenzas	Svilup da la qualitat
Infrastructura	Cultura da comunicaziun e conflict	Elecziun e tematisaziun dal cuntegn	Process da decisiun	Evaluaziun interna
Resursas	Cooperaziun en il team	Activaziun cognitiva	Comunicaziun/Infurmaziun	Svilup dal persunal
Ambient da la scola	Participaziun	Consolidaziun dals cuntegns	Collavuraziun	Promoziun da la sanadad
Structuras dal di		Giudicament e feedback	Direcziun dal persunal	Cooperaziun cun partenaris externs
		Pratica cun eterogenitad	Svilup da la scola e da l'instrucziun	
			Niz da las resursas	

Accents da l'evaluaziun 2021–2026
 Examinaziun da las premissas per conceder contribuziuns

Cuntegns focussads

Cultura/clima da scola
 Tut ils participants sa sentan bain en scola. La scola sco cuminanza vegn tgirada intenziunadamain e la comunicaziun è caracterisada da stima ed avertadad. Las personas d'instrucziun collavuran sistematicamain per sustegnair ina l'autra d'ademplier lur pensums. Las scolaras ed ils scolars vegnan participads a decisiuns che pertutgan els ni ellas. Personas d'instrucziun, direcziun da scola e geniturs defineschan ina collavuraziun da partenaris.

Elecziun e tematisaziun dal cuntegn
 Ils cuntegns tschernids èn impurtants per il rom e relevants per il stgalim en mira. L'instrucziun è drizzada ora sin las cumpetenzas avisadas e coordinada cun la finamira d'emprender concreta. La relevanza dal cuntegn vegn explitgada a las scolaras ed als scolars. Ils cuntegns vegnan preschentads a moda clera e structurada ed explitgads correctamain e precis.
Activaziun cognitiva
 Ils pensums èn pretensius e resguardan il nivel d'emprender individual da las scolaras e dals scolars. Els dattan impuls da sa fatschentar

pli profund cun ils cuntegns d'emprender. Las personas d'instrucziun animeschan las scolaras ed ils scolars da reflectar l'agen emprender, da giuditgar el e da s'occupar cun strategies d'emprender.
Pratica cun eterogenitad
 L'instrucziun è adattada a las differentas premissas d'emprender da las scolaras e dals scolars. Las personas d'instrucziun accumpognan e sustegnan las scolaras ed ils scolars en lur process d'emprender.

Collavuraziun
 La collavuraziun interna da la scola è reglada liantamain e vegn examinada regularmain areguard sias finamiras. Ella sustegna las personas d'instrucziun en lur instrucziun e gida a promover las scolaras ed ils scolars.
Promoziun da sanadad
 La scola che promova la sanadad sa fatschenta a moda persistente sin tut ils levels cun la promoziun da la sanadad. Latiers vai per aspects fisics, psichics e socials.

VPS Participaziun da las gruppas en mira

	12 emnas avant Infurmaziun da la direcziun da scola	3–4 emnas avant Infurmaziun dal team da scola	Durant 1 emna VPS en chasa da scola	2–3 emnas suenter Rapport a la scola	Fin 12 emnas pli tard Rapport als geniturs	Fin 12 emnas pli tard Definiiziun e planisaziun dal project da svilup	Fin 2 onns suenter Controlling
Cussegl da scola							
Direcziun da scola							
Personas d'instrucziun							
Scolaras e scolars							
Geniturs							

Uschia fa VPS effect

La basa per las activitads da l'inspecturat da scola dal Grischun è la lescha da scola chantunala cun sias cleras incumbensas d'evaluaziun, da cussegliaziun e d'examinaziun. VPS cumplettescha il manaschament da qualitat da scola intern cun ina vista externa, quai che fa effect en quatter dimensiuns: L'evaluaziun generescha **savida** che sa basa sin datas. Uschia pussibilescha ella a las scolas da vesair l'agen profil pli cler e da tematisar quel a moda fundada. La vista

externa professiunala furnescha infurmaziuns davart las fermezzas e las deblezzas dals secturs focussads e pussibilescha uschia in **svilup** intenziunà. Grazia a VPS èsi pussaivel da crear ina basa da datas transparenta per dar **rapport** al chantun ed a la publicitad interessada. Durant il proceder da valitaziun vegnan medemamain las normas valaivlas communitgadas e lur realisaziun vegn preten-dida.



Las inspecturas ed ils inspecturs da scola èn francads en lur regiuns ed adempleschan l'incumbensa legala en las otg linguas da scola.

Examinaziun dal dretg da contribuziun

Il chantun Grischun sustegna las scolas finanzialmain tranter auter en las domenas da las structures dal di e da las direcziuns da scola. Persuenter ston las scolas ademplir premissas specificas. **Structuras dal di:** Las scolas èn obligadas da porscher tenor basegn structures dal di. L'inspecturat examinescha ils dretgs da contribuziun correspondents da las purschidas. Sche las prescripziuns legalas vegnan ademplidas, vegn la permissiun prolungada mintgamai per quatter onns. Sch'ellas vegnan ademplidas be parzialmain, vegn la permissiun prolungada mo temporarmain e cun cundiziuns. En in pro-

ceder comunicativ orientà a la promoziun vegn la qualitat da las purschidas discutada cun la direcziun da scola. **Direcziun da scola:** Per garantir ina buna direcziun pedagogica, persunala, finanziaria ed administrativa da la scola sustegna il chantun ils purtaders da scola cun contribuziuns considerablas. Cun VPS vegn examinà, sche las incumbensas en chassa vegnan percepidas e realisadas en il rom da las perscripziuns legalas. Correspondent a las structures dal di vegn la renconuschientscha prolungada, sche las prescripziuns legalas èn ademplidas.

